


Den rechten weg auß zu faren vō Liff-  
 bona gen Kallakuth von meyl zu meyl  
 Auch wie der Kunig von Portigal yetz newlich vill Galeen vnd  
 naben wider zu erfuchen vnd bezwingen newe landt vnd Insellen/  
 durch Kallakuth in Indien zu faren/ Durch sein haubtman also bes-  
 stet als hernach getruet stet gar von seltsamen dingen.



¶ Diese sphaere nach Betholomens beschreibung des erdreichs wurde euch lernen vnd vnderweyssen die gelegenheyt der landen bey welscher linien vnd grads Auch ist die nach gesetzte figur in jr halten alle nach geschribne ding von newen Inseln vnd landen die man yetz in kurz gefunden hat das dan den Philosophi lange zeyt verborgen ist gewesen. Man findet auch darin verzeychnet Linnberg / Lissbona vñ kallatuth mit püctken vñ einzalig buchstaben in der figur.

Osten



Suden

Item die fart von Lissbona nach Kallatuth / fert man auß zu Lissbona auff die Romarien / das sindt. CCC. meyl von Lissbona / vnd Kabawerdt zweyhundert meyl / do nimpt man wasser vnd fert dan vber den grossen golff.

Item von Kabawerdt vber den grossen golff an Kabedespranza sindt zweynzig vnd hundert meyll / do ist kein landt vnderwegen / vnd zu Kabawerdt facht an das schwarz volck.

Item von Kabedespranza sindt. xl. meyl biss gen Aqua de Sand Praß do diegt das volck kein kleyder an dan schayd zu iren geschir

Item von Apß de sant praß sindt. CC. xxv. meyl in zappal vnd do von sindt. C. xxxv. meyl gen mansawick.

Item von mansawick sindt gen mellina hundert meyl / vñ dauon fert man vber den grossen golff / sindt. xl. meyl gen Agendina.

Item von agendina caruare sindt. xxxij. meyl / do wechset der ymber fast vil / von dan sindt. xij. meyl gen Kallatuth / von Kallatuth sindt. xxxv. meyl gen gudschin / do ladē vnser schiff allerley spezererey

Item von gudschin sindt. xxx. meyl gen collan / do wonen vil von sant Paulus glauben / do laden auch etlich schiff.

Item von dan gen Mellacka sindt sibent hundert meyl / do wechset negelan vnd mustat.

Item zu wissen ist das auff den. xij. tag des Nouembers sindt von Lissbona. ij. karffol vñ ein schiff nach India gefaren sindt / die sollen aufrichten als hernach geschriben stet.

Item zum Ersten sollen sie versuchen ob man nun alle zeyt möge von Lissbona nach Indien faren / als sie dan vor zu einer vnrechten zeyt sindt außgefaren dan zu andern zeyten.

Item zum andern sollen sie alle port außflauffen / von der ganzen kost biss gen sant Thoma / vnd zu der Kabedespranza ob sie findent etliche süsser wasser / Vnd wan das geschee das sie süsser wasser findent / So wil der Kunig alle fludt. CCC. quitū spezererey bester mer laden lassen / Dan sie müssen alweg zu kallatuth süsser wasser fachen das sie genug haben biss gen Kabawerdt / oder faren sie zu auff Kabatuth / so faren sie zu mansawick.

Item so sollen alle vnd yeglich Insell auß lauffen an porten am mer ob sie möchten erfaren wo die zwey grosse schiff sindt hin komen/ die vnder der fludt sindt hin komen vnd auß beliben/ do man zalt. M. CCCC. vnd. v. vnd sindt die grösten schiff die vnder der fludt sindt gewesen. Darumb wollen sie alle porten vom mer auß faren ob sie sy möchten finden ob sie verdoiben sindt oder etwo auff dem sand legen/ das sie nicht von stat möchten komen/ so sollen sie das volck zu ir nemen mit sampt dem besten gut das im schiff ist/ vnd finden dan sie das nicht/ do got vor sey/ so sollen sie drey Jar auß sein/ vnd sollen in Indien/ vnd alle ding außsuchen/ vnd darnach sollen sie spezerey laden als andie schiff thun.

Item zu wissen ist das die grossen fludt würdt faren ob. xx. schiffen in Indien/ Das würdt im Apullen. M. CCCC. vnd. vi. Darumb sindt etliche schiff gar wol zu gericht/ die sollen aufrichten als hernach geschriben stet/ etliche sollen auß beleyben. vi. Jare/ vnd etliche iij. jar/ Vnd wan in got hinein hilfft/ so sollen sie die schiff am lande bessern/ als darzu gehöret auff das aller best/ was dan darzu gehöret/ Vnd darnach sollen sie segellen mit dem kapidiger/ der hayst der amerand/ der ist vor zwö reyß in India gewesen/ vnd ist die ganz fart von Kallakuth bis gen Kayl auß gefaren/ die wil er bezwingen/ Ja er würdt faren gen Alla hasserlandt/ ist ein Insel die wil er auch bezwingen/ Ja ob er würdt mögen/ Vnd darnach wil er faren gen scharmarter/ ist ein Insel die gröst die man in der welt mag finden/ vnd leyt nit vñ von terra firma der lands moßa/ vnd wan sie dan dieselbigen Inseln alle bezwingen/ darnach wollen sie faren gen mellacka/ vñ wollen do die schiff mit kostenlichen gütern laden/ Vnd wollen darnach wider heym faren/ Zu sollicher zeyt will er haben siben Jar/ Aber was er würdt zu lon haben/ ist nit mit wissent/ vnd er ist ein dapffer man/ vnd wol habende an gut/ vnd ist ein man ob vierzig Jaren/ vnd man scherzt in wol funff Kunigreych die sol er in India haben gewunnen.

Item er ist vor ein armer edelman gewesen/ So maynt man wan im got herauß hilfft mit seiner gesellschaft/ das er die reyß recht verbringet vnd im glucklichen get/ er sol wol. 300000. kronen reyck

werden/ dan er ist ein künig heldt/ als in der Kunig an seynem hoff hat/ vnder allen seynen kapitanieren/ auch sagt man von im er sey ein heldt auff dem mer.

Item so ist auch zu wissen das in kurtz sindt mer gen Lissbona komen/ das die Venediger vil volcks schicken gen mellacka in Arabia durch Alexandria dem Soldan zu hilff/ als zimerlewt vñ ander handtwercks lewt/ die man muß haben zu schiff machen/ vñ wollen galeen machen/ vnd wollen in iren sin den Portugalischen in India grossen schaden thun/ dan die grossen fludt die auß India sindt komen/ die haben wol vierzehen grosse schiff verbrent dem Kunig von Kallakuth/ die sindt alle mit spezerey geladen gewest/ dieselbige spezerey were alle den Venedigern wordē/ Darumb wollen sie sich auch nicht saumen/ vnd wollen dem Soldan helfen andie schiff bawen/ Aber die Portugalischen haben wenig glauben daran/ nach dem als arabia vñ die kafft auß der seyten in Affrica des beden mers wenig oder nicht holz hat/ es ist alles sandig/ Vnd als man sagt/ so mugen sie nicht aufrichten auff dem wasser zu schiffung/ dan es ist kein holz do

Item vermerckte wie alle spezerey in India wechset/ pferer wechset trauben weyß gleych wie die holderber/ sie bringen zu zeyten grüne gen Lissbona gleych wie er von baromen komen

Item kanel sindt groß barom als hie die serbarom/ vnd haben pletter die sindt praytter dan die serbarom/ vnd wan dan die zeyt ist so schellen sich die rinden herab vñ doient/ das ist dan zimment rinden/ vnd darnach muß der barom zwey Jar stan bis er wider rinden gewindt/ die tugent hat der kanel

Item so wechset der mayst tayl Ingwer zu kandinoz/ nicht weyt von Kallakuth/ den bringen sie zu zeyten auch gen Lissbona/ sindt wurzel vnd habent kraut als praytz gras/ ich habß wol gesehen.

Item so bringt man die negelein vnd muschklaput auß mellacka leyt siben hundert meyl hinder Kallakuth die spezerey wissen sie selbs nit wie sie wechset/ Auch kumpt do her der mayst tayl dioperer vñ edel gesteyn.

Jtem perleyn sucht man in einer Insel leynt im Meer von Persia  
hayst amasa/ mer so sucht mans in einer stat heyst Kayl leynt auff  
terra firma/ do selbst her bringet man vil seltsamer ding/ als haydes  
risch dacken vñ hundt vnd kagen die haben vnder iren schwangen  
wolriechende ding/ wen mans von in wil nemen/ so muß man sie  
sonig machen/ Vnd gross muß bringet man auch do her hayst man  
mezen/ die sindt gar gut zu essen. Auch sindt in der grossen flude et  
lich kagen komet die hayst man Kay von Alcalby/ den nimbt man  
hinden auß ein wolriechent ding hayst zitwer.

